



MENNTASKÓLINN Í KÓPAVOGI

Hótel- og matvæðaskólinn

Leiðsöguskólinn

Markmið og aðgerðir 2025-2027



JAFNLAUNAVOTTUN
2025 - 2028



MENNTASKÓLINN Í KÓPAVOGI

Hótel- og matvæðaskólinn

Leiðsöguskólinn

Kjarnastarfsemi

Menntaskólinn í Kópavogi er blandaður framhaldsskóli sem kennir samkvæmt áfangakerfi. Í skólanum er boðið upp á bóknámsbrautir (Félags- og hugvísindabraut, Opna braut, Raungreinabraut, Viðskipta- og hagfræðibraut) til stúdentsprófs, starfsnámsbrautir sem leiða til starfsréttinda eða veita nemendum heimild til að þreyta sveinspróf í löggildri iðngrein (matvælagreinar), framhaldsskólalámbrot fyrir nemendur sem ekki hafa náð tilskildum árangri í grunnskóla, starfsbraut fyrir nemendur á einhverfurófi og kvöldnám í leiðsögn um Ísland. Í skólanum er vel útbúið bókasafn og mótuneyti fyrir nemendur og starfsfólk skólans. Skólinn er í góðu sambandi og samvinnu við grunnskólana í Kópavogi og býður nemendum þaðan að taka framhaldsskólaáfangi í bóklegum greinum og flýta þannig fyrir sér í námi. Í skólanum er starfrækt afrekssvið í samstarfi við íþróttafélög Kópavogs þ.e. Breiðablik, Gerplu, GKG og HK. Nemendum á afrekssviði fjölga stöðugt en í dag eru um 300 nemendur á sviðinu sem stunda fjölbreyttar íþróttagreinar samhliða bóknámi. Afrekssvið skólans er aðili að European Dual Career Network og styðst við leiðbeiningar Evrópusambandsins um dual career nám. Skólinn starfar eftir lögum um framhaldsskóla nr. 92/2008 og gildandi námskrá. Skólinn leggur ríka áherslu á að veita nemendum öflugna menntun í námsumhverfi þar sem nemendum líður vel og læra hvernig taka á ábyrgð á eigin námi. Inntökuskilyrði eru tilgreind á heimasíðu skólans. Skólanámskrá skólans er rafræn og í samræmi við Aðalnámskrá framhaldsskóla. Skólanámskráin er í stöðugri þróun og tekur breytingum ár frá ári. Uppfærð námsbraut í leiðsögunámi hefur verið send inn til samþykktar hjá Miðstöð menntunar og skólaþjónustu og vonast er til að hún verði samþykkt sem allra first og staðfest hjá ráðuneytinu. Með fjölbreyttu námsframboði í bók- og starfsnámi fyrir breiðan hóp nemenda tekur Menntaskólinn í Kópavogi þátt í vinnu að meginmarkmiðum stjórnvalda um að veita framúrskarandi menntun með áherslu á þekkingu, vellíðan, þrautseigju og árangur í umhverfi þar sem allir skipta máli og geta lært.



MENNTASKÓLINN Í KÓPAVOGI

Hótel- og matvæðaskólinn

Leiðsöguskólinn

Almennur rekstur

Starfsmenn skólans í ráðningasambandi eru 98. Þar af eru 17 starfsmenn eldri en 60 ára (17%). Kennarar við skólann eru alls 66, 18 karlar og 48 konur. 14 kennarar eru 60 ára eða eldri (21%). Aðrir starfsmenn eru alls 32, 6 karlar og 26 konur. Þar af eru 3 starfsmenn eldri en 60 ára (10%). Langtímaveikindi á meðal starfsmanna á tímabilinu janúar - október 2024 eru 3 stöðugildi. Við skólann er nokkur fjöldi stundakennara sem kenna fyrst og fremst í leiðsögunámi sem kennt er á kvöldin og eru utan við þær tölur sem hér eru gefnar sem eiga aðeins við dagskóla. Á sviði nemendabjónustu eru þrír í stöðu náms- og starfsráðgjafa og einn sálfræðingur í fullri stöðu sem veitir nemendum þjónustu á sviði sálgæslu. Auk þess sinnir hjúkrunarfræðingur á vegum Heilsugæslu höfuðborgarsvæðisins nemendum í 25% stöðugildi. Yfirstjórn skólans samanstendur af skólameistara, aðstoðarskólameistara, áfangastjóra, náms- og skrifstofustjóra og framkvæmdastjóra Hótel- og matvæðaskólans. Í yfirstjórn skólans eru fjórar konur og einn karl. Með yfirstjórn starfa fjármálastjóri (kk), kennslustjóri (kvk, 75%) og verkefnastjóri gæðamála (kk, 20%). Stjórnun er dreifstýrð en framkvæmdastjóri Hótel- og matvæðaskólans heldur utan um rafræna ferilbók og samskipti við atvinnulífið. Auk þess starfa tveir fagstjórar við skólann; fagstjóri afreksíþróttasviðs (kk) og fagstjóri leiðsöguskólans (kvk). Við skólann starfar félagslífsfulltrúi, jafnréttisfulltrúi, umhverfisfulltrúi og forvarnarfulltrúi. Það eru allt kennarar sem sinna þessum hlutverkum samhliða kennslu. Á heimasíðu skólans er að finna stefnuskjöl skólans. Stefnt er að því að þriðja græna skrefið verði stigið á vorönn 2025 og að skólinn fái grænfánann á vorönn 2026. Ytri úttekt fór fram á starfsemi skólans árið 2023. Unnið er eftir umbótaáætlun og stefnt er að því að ljúka umbótum árið 2026. Ytra mat er áætlað næst 2028. Á haustönn var settur saman sjálfsmatshópur en verkefnastjóri gæðamála heldur utan um hópinn. Í hópnum eru kennarar, stjórnendur, nemendur og forráðamenn. Sjálfsmatshópurinn mun setja saman áætlun um innri úttektir sem framkvæmdir verða í framhaldinu.



Markmið og mælikvarðar

Markmið: Kjarnastarfsemi	Mælikvarðar	Gögn til grundvallar
Auka gæði náms og kennslu	Einkunn áfanga	Áfangamat í Innu
	Einkunn kennara	Áfangamat í Innu
	Virkni kennara í starfsþróun	Könnun um starfsþróun kennara
Fjölga útskrifuðum nemendum úr samningsbundnu iðnnámi	Fjöldi útskrifaðra nemenda á hverju ári	Tölur úr Innu
Markmið: Góð þjónusta	Innheimta skólagjalda	
	Aukin opnunartími skrifstofu	
Markmið: Öflugur mannauður	Ánægja og stolt	Stofnun ársins
	Jafnrétti	Stofnun ársins
Markmið: Sjálfbær rekstur	Rekstur innan áætlunar	Ársreikningur



MENNTASKÓLINN Í KÓPAVOGI

Hótel- og matvælastólinn

Leiðsöguskólinn

Aðgerðir

Auka gæði náms og kennslu

- Veita rými fyrir þverfaglegt samstarf og virkja kennslufræðilega leiðtoga
- Efla nemendalýðræði (rýnihópar með nemendum og skólamálaþing – raddir nemenda) miðannamat áfanga, áfangamat þróað.
- Gagnasöfnun í tengslum við starfsþróun kennara til að geta hvatt þá til að taka þátt í slíku starfi og deila reynslu sín á milli.

Fjölga útskrifuðum nemendum úr samningsbundnu iðnnámi

- Auka sveigjanleika í námi t.d með dreifnámi og fjarnámi. Innleiðing ferilbókar. Endurskoðun námsbrauta.
- Kynna námið þannig að það sé áhugaverður valkostur. Upplýsingar á heimasíðu skólans t.d. um afleidd störf o.fl. aukin tengsl við atvinnulífið og námskeiðahald í samvinnu við stéttarfélag. Sýnileiki í keppnum og viðburðum.
- Efla gott námsumhverfi. Nemendur fá þjónustu á meðan á vinnustaðanámi stendur og geta sótt félagslíf
- Krefjandi verkefni sett upp sem endurspeglar raunverlegar aðstæður á vinnumarkaðnum til þess að valdefla nemendur.

Góð þjónusta

- Koma til móts við óskir foreldra við innheimtu skólagjalda
- Aukinn opnunartími skrifstofu á viðverutíma nemenda

Öflugur mannauður

- Uppfæra samskiptasáttmálann og hvetja allt starfsfólk til að vinna eftir honum
- Aukið samráð við starfsfólk varðandi aðbúnað, vinnuskilyrði og ákvarðanatöku er snýr að þeim

Sjálfbær rekstur

- Greining á kennsluskiptingu
- Minnka langtímaveikindi eins og hægt er með betra utanumhaldi um starfsmenn



MENNTASKÓLINN Í KÓPAVOGI

Hótel- og matvæðaskólinn

Leiðsöguskólinn

Mat á skólastarfi

Niðurstöður úttekta og athugana sem gerðar eru í Menntaskólanum í Kópavogi eru birtar á heimasíðu skólans í árlegri sjálfsmatsskýrslu